

gio Romano : scripsitque Diuus Gregorius magnus epistolas 4. & 43. l. 2. indict. 11. pluresque alias ad *Bonifacium* Episcopum Rhegiensem.

TAVRIANVM Melæ lib. 2. c. 4. hodie *Seminara*. D. Gregorius magnus epistolam 39. lib. 1. Indict. 9. scripsit ad *Paulinum* Episcopum Taurianensem: subscripsitque *Laurentius* Taurianensis Episcopus Concilio Lateranensi sub Martino.

TROPIA, Tropea Stephano, vulgò etiam *Tropia*, cuius Episcopus *Ioannes* subscripsit Concilio Lateranensi sub Martino.

VIBO, quæ & Vibo-Valentia Plin. lib. 3. c. 5. hodie *Biuona*, teste Barrio. *Ioannes* Vibonensis Episcopus subscripsit Concilio Romano primo sub Symmacho, itemque *Papinius* Lateranensi sub Martino.

NICOTERA Antonino in Itinerario, nunc *Nicodro*. D. Gregorius magnus scripsit epistolam 47. lib. 7. Indict. 2. ad *Proculum* Episcopum Nico-teræ.

TEMPSA Straboni lib. 5. nunc *S. Marco*. *Hilarius* huius Episcopus subscripsit tertiæ Synodo Romanæ sub Symmacho, & *Sergius* Lateranensi sub Martino.

THVRIVM Ptol. lib. 3. cap. 1. nunc *Terra noua* Barrio, alijs *Buffalora*. *Ioannes* Thuritanus Episcopus subscripsit tertiæ Synodo Romanæ sub Symmacho.

CERILLVS Straboni lib. 6. alijs Cerellus, vulgò *Cerilla* Barrio. *Romanus* Episcopus Cerellitanus subscripsit Concilio Lateranensi sub Martino.

CONSENTIA, vel Cosentia, Liuius lib. 8. hodie *Cosenza*. D. Gregorius magnus scripsit epistolam 47. lib. 7. indict. 2. ad *Palumbum* Episcopum Cosentia.

CROTONA Ptolem. lib. 3. c. 1. adhuc *Crotone*. *Theodosius* huius Episcopus subscripsit Concilio Lateranensi sub Martino.

SCYLLATIVM Ptol. lib. 3. cap. 1. vulgò *Squillaci*. *Gaudentius* Scyllatenus Episcopus subscripsit Concilio Romano sub Hilario : scripsitque D. Gregorius magnus epistolas 38. lib. 2. indict. 10. & 37. lib. 7. indict. 1. ad *Ioannem* Episcopum Schyllatinum.

LOCRI Ptol. ibid. vulgò *Gieraci*. D. Gregorius magnus dirigit Epistolam 47. lib. 7. indict. 2. ad *Marcianum* Locrensem Episcopum.

MVRANVM, vel Submuranum Antonino in Itinerario, vulgò *Morano*. *Lucianus* Episcopus Murani subscripsit Concilio Romano sub Iulio.

ORESTIS, vel Orestis-portus Plin. lib. 3. cap. 5. hodie *Porto Rauaglio*. *Longinus* Orestensis Episcopus subscripsit Synodo sextæ Romanæ sub Symmacho.

CARINA, vrbs Episcopalis in Brutia D. Gregorio magno epist. 9. lib. 5. indict. 14. qui, huius defuncto Antistite, cum alium ordinare non sineret deserti loci habitatio, vt ait, sedem vniuit Rhegiensi.

BOVA, vulgò etiam *Bona* dicta, Ciuitas Brutiorum in libro Conciliorum legitur: multis antiqua sedes Episcopalis creditur, sed eius Episcopum non reperi ante *Luminosum* Bouensem, qui subscripsit Concilio Lateranensi sub Martino, non enim legendum est Bonensis, cum nullibi Bona legatur in Italia.